



## Zaplijenjeno više od 40 kilograma droge

Pripadnici **Državne agencije za istrage i zaštitu (SIPA)** su u dvije odvojene akcije Jug i Golf uhapsili 13 osoba osumnjičenih za rasturanje narkotika, a zaplijenjeno je više od 40 kilograma droge.

U akciji Golf, koja je provedena na području Čapljine, uhapšene su tri osobe osumnjičene za organizovani kriminal i neovlašteni promet opojnih droga. Pretresene su četiri lokacije na području Trebinja i Čapljine i tom prilikom oduzeto je oko 30 kilograma skanka.

S druge strane, u akciji Jug uhapšeno je deset osoba, a za osam njih je zatražen pritvor, i to za Refika Hasanovića, Mirzu Hodžića, Muhameda Mudrova, Enesa Kantića, Almira

Ahmića, Alena Dugalića, Adnana Dizdarevića i Nedima Bukvića. Pritvor je zatražen zbog opasnosti da bi osumnjičeni boravkom na slobodi mogli uništiti, sakriti, izmijeniti ili krivotvoriti dokaze ili tragove važne za krivični postupak, kao i da bi mogli ponoviti krivično djelo. Oni se terete da su skank i spid nabavljali na području Albanije, a potom su drogu prodavali u BiH. U akciji Jug pretreseno je 13 lokacija i to u Sarajevu, Istočnom Sarajevu, Doboju, Tešnju i Doboju. Oduzeto je oko 13,5 kilograma skanka, 2,5 kilograma spida, više mobitela, novac, te drugi predmet koji će poslužiti kao dokaz u daljem krivičnom postupku. **A. B. Č.**